

尔時世尊以偈答馬勝比丘曰

善哉比丘所問義 我所現瑞利世間  
我說果報無有餘 汝今一心善諦聽  
諸阿脩羅供養佛 為求無上勝菩提  
脩羅心意無所依 如手在空不障礙  
此等供養世尊已 阿脩羅衆心清淨

大智皆捨脩羅道 於人天中久受樂  
此等於其未來世 值遇恒沙人師子  
於善名劫得成佛 如來皆號為善名  
數滿六十那由他 名振十方照世間  
演說無依無著法 廣能度脫天人衆  
彼諸佛土甚嚴淨 佛知世間離五濁

淨佛國土三千界 滿足六十那由他  
彼國無諸三惡趣 以欣喜心土田淨  
彼佛雄猛除諸難 演說無上大乘法  
彼等諸佛得壽命 住世六十那由劫  
演說無所依止法 一一導師皆亦然  
彼諸如來滅度後 世間智者盡皆滅

滿足六十那由劫 彼佛正法住在世  
是諸如來各各度 如恒河沙衆生聚  
彼諸如來等無量 土壽法住亦如是  
彼諸善逝能成熟 六十那由衆生數  
皆令安住大乘中 各各紹繼三寶種  
今此授記為脩羅 利世間者大仙說

天人聞斯授記已 身心踊躍得淨信

七末

大寶積經卷第六十二

人二

大寶積經卷第六十三

人三

高齊北天竺三藏那連提耶舍譯

菩薩見實會第十六之三

本事品第四

尔時慧命摩訶迦葉見諸阿脩羅王供養佛  
已生希有心作是思惟世尊本修菩薩行時  
乙 施

作何善根得是果報時迦葉即入如實三昧  
 以其三昧嚴心力故憶念過去阿僧祇阿僧  
 祇劫如來所修一切功德於彼彼道彼彼生  
 中所修善根皆為滿足無上菩提以此善根  
 得住不退轉地彼諸善根皆得念知今時迦  
 葉憶念如來大善根時作如是心如佛所習

善根廣大如來一一發心善根如十方世界  
 恒沙刹土其中衆生皆得人身得人身已衆  
 生如恒沙劫供養善逝亦如脩羅一一衆生  
 如恒沙劫供養如來已不能報如來一發心  
 善根今時慧命摩訶迦葉從三昧起以偈讚曰  
 一一如來牟尼尊 發心廣大向菩提

此脩羅等所供養 佛迦羅分不及一  
 出尊應供人中上 如須彌山栴檀聚  
 人中勝所供養 由度功德彼岸故  
 人中師子應受供 過諸恒河沙數等  
 譬如大海滿中水 香水和合而供養  
 具足功德應受供 多於恒河沙數等

積滿花聚而供養 猶如斫迦婆羅山  
 自然大士應受供 如須彌山燈明炷  
 大海以為香油器 以燈供養諸勝者  
 應受供養大威勢 多於恒河沙數等  
 造立塔廟而供養 由度功德彼岸故  
 人中堅固應受供 以諸廣大勝寶蓋

其蓋遍覆三千界 經於那由他劫數  
 憐愍世間人中尊 無邊功德應受供  
 以諸寶幢所供養 遍滿十方諸世界  
 於不思議億劫數 以廣大幡而供養  
 滿恒河沙諸世界 經於無量億劫數  
 供養如來人師子 起於分別作譬喻

大論師中師子子 諦聽諦聽諸天人  
 我及諸來在此衆 若如恒河沙數等  
 諸有十方世界衆 一切皆當得作佛  
 具足十力人師子 彼佛頭數如恒沙  
 一一皆有恒沙頭 於一一頭如恒沙  
 各各皆有恒沙口 彼於一一無量口

人三

二

有於無量沙數舌 以舌讚歎於如來  
彼諸如來說不盡 功德彼岸不可到  
一切智智不可量 由度功德彼岸故  
尔時世尊告諸比丘言善哉善哉諸比丘我  
諸聲聞端直而住有智有法亦如梵天乃能  
入我功德海中何以故如來具足無量功德

具足不思議功德諸比丘如來功德聚不可  
思議諸比丘如來功德聚若是色者一一發  
心所得功德如恒河沙等世界中不容受  
何以故諸比丘如來一一發心功德一切智  
所攀緣處如恒沙等諸佛如恒沙等劫不能  
思量說不可盡何以故如來本修菩薩行時

無一發心不為利益一切眾生眾生所攝者  
無一發心不為一切眾生眾生界無邊際其  
中眾生亦無邊際所有眾生界無邊際如來  
一一發心功德亦無邊際何以故如來眾生界  
無邊際如眾生界不可量如來一一發心功  
德聚不可窮盡皆為憐愍利益安樂一切眾

生故是故發心假使一切眾生供養時不能  
報如來一發心功德何以故彼諸眾生供養  
如來皆為希望雜食世報故菩薩本發心離  
於雜食求世報心為利益安樂眾生故欲令  
眾生背於生死趣向涅槃如來本修菩薩行  
時為利益安樂眾生離於雜食不求世報佛

人三

三

告諸比丘於過去世無量無邊流轉生死阿  
僧祇不可思議無始世界不可說劫中有佛  
號曰因陀幢王出現於世如來應供正遍知  
明行足善逝世間解無上士調御丈夫天人  
師佛婆伽婆彼佛如來以一一發心如恒沙  
等世界中曾為眾生作利益安樂思量發心

比丘彼因陀幢如來作佛時恒河沙世界同  
一佛利其因陀幢如來應供正遍知國土嚴  
淨離於惡趣及以八難是因陀幢如來應供  
正遍知其國土中所有眾生住正定聚其邪  
定眾生增上慢眾生一向皆無不淨身業不  
淨口業不淨意業一切皆無亦無惡趣煩惱

作惡趣業何以故因陀幢如來教是衆生令其發心止一切惡以其善法授令修學是因陀幢如來國土中曾得五種樂所謂一得欲樂二得出家樂三得禪樂四得三摩跋提樂五得無上菩提樂彼諸衆生雖受其樂而不貪著譬如蜜蜂但取其味不取花色彼諸衆生亦復如是雖受其樂而不取著譬如飛鳥空中而行不著其空如是衆生雖受其樂而不取著亦復如是是因陀幢如來應供正遍知其佛土中所有衆生無有憂苦唯有喜樂亦無不苦不樂受愚癡無故唯有稱心之樂何以故彼諸衆生本修善故由彼因陀幢如來本修菩薩行時現諸相好令彼衆生不作一切惡安置衆生修習善法彼等次第離諸惡道安於善處彼等於一切種不善業一向悉無其所作業得果報時心不欣樂生苦受者無有是處不作惡業不受苦果故愚癡無故不苦不樂受亦無彼因陀幢如來佛土中

一切時恒無惡風暴雨亦無毒熱彼諸衆生時節變易苦一切皆無彼因陀幢如來本修菩薩行時彼佛土中其諸衆生一切身業智上首智順轉演說開示正顯如是一切口業業智上首智順轉演說開示正顯如是彼諸衆生從彼菩薩聞已彼諸衆生一切身業一切口業一切意業智上首智順轉迴向以善業故愚癡報不生以其愚癡故受不苦不樂受彼諸衆生於彼佛土中苦受不苦不樂受一向皆無以離愚癡故彼諸衆生生彼國土時其因陀幢如來教化已於法敬重若遊行時思量於法愛欲於法染著於法彼等心生愛欲染著於法遊行時無有苦受行住坐卧睡寤乃至無有威儀之苦彼諸衆生在國土中無惡可順以無惡故無苦可生於善無著以是因緣彼諸衆生善順無故變易苦無於諸法中不生貪著是故壞苦不生亦無怨憎

會苦何以故由彼衆生於一切衆生中得住  
平等心現前是故無有怨憎會苦亦無愛別  
離苦何以故由彼衆生於一切法不著故其  
愛別離苦從愛而生是故無有愛別離苦苦  
苦亦無何以故於樂受不生著故唯有行苦  
所謂無常苦何以故彼佛唯說第一義故彼

佛住世經恒沙劫於彼佛刹無一衆生與佛  
競論者來生其國何以故由彼如來本行菩  
薩時成熟衆生故佛告諸比丘於意云何能  
以下善根少善根不善習善根不善相應善  
根非大精進善根非善趣善根非善發善根  
非善迴向善根可能利益如是等衆生能與

樂除苦耶可能淨如是廣大國土成熟如是  
多衆生耶諸比丘言不也世尊佛復告諸比  
丘言於意云何可以下心怯弱不善根相應  
心非精進心非善習善根心非善趣心非善  
發善根心非善迴向心可能利益如是等衆  
生思惟與樂能除苦耶可能嚴淨如是廣大

佛刹成熟如是多衆生耶諸比丘言不也世  
尊佛復告諸比丘言於意云何可以下信少  
信羸信怯弱信不善相應信非精進信非善  
集善根信非善趣信非善發善根信非善迴  
向信能利益如是等衆生除苦與樂耶能嚴  
淨如是廣大佛刹成熟如是多衆生耶諸比

丘言不也世尊佛復告諸比丘於意云何可  
以下戒少戒羸戒非精進戒非善集善根戒  
非善趣戒非善發善根戒非善迴向戒能利  
益如是等衆生除苦與樂耶能嚴淨如是廣  
大佛刹成熟如是多衆生耶諸比丘言不也  
世尊佛復告諸比丘言於意云何頗以下精

進少精進羸精進怯弱精進非相應精進非  
精進精進非善集善根精進非善趣精進非  
善發善根精進非善迴向精進能利益如是  
等衆生除苦與樂耶及能嚴淨如是廣大佛  
刹成熟如是多衆生耶諸比丘言不也婆伽  
婆佛復告諸比丘於汝意云何頗以下念少

念羸念怯弱念非相應善根念非精進念非善集善根念非善趣念非善發善根念非善迴向念能利益衆生及思惟與樂耶及能嚴淨如是廣大佛刹成熟多衆生耶諸比丘言不也世尊佛復告諸比丘言於汝意云何頗以下定少定羸定怯弱定非相應善根定非

精進定非善集善根定非善趣定非善發善根定非善迴向定能利益衆生思惟與樂耶能嚴淨如是廣大佛刹及能成熟如是多衆生耶諸比丘言不也世尊佛復告諸比丘言於汝意云何頗以下慧少慧羸慧怯弱慧非相應善根慧非精進慧非善集善根慧非善

趣慧非善發善根慧非善迴向慧能利益衆生思惟與樂耶能嚴淨如是廣大佛刹及能成熟如是多衆生耶諸比丘言不也世尊佛告諸比丘言諸比丘實如是不以少善根少戒少信少精進少念少定少慧能利益衆生及思惟與樂離苦耶能嚴淨廣大佛刹成熟

如是多衆生耶佛告諸比丘於意云何彼時因陀幢如來汝知誰也如來問已諸比丘嘿然不荅當於尔時東方過如恒沙等諸佛世界有世界名曰月光莊嚴彼土有佛號高威德王如來應供正遍知今現住世文殊師利在彼衆中即知釋迦牟尼心念已即白高威

德王佛言今釋迦如來在娑婆世界說法世尊我今往彼見釋迦如來禮拜聽法供養恭敬作是請已時高威德王如來告文殊師利任意而去今正是時尔時文殊師利童子從座而起偏袒右肩右膝著地頭面禮高威德王如來右遶三匝譬如壯士屈伸臂頃時文

殊師利在彼月光莊嚴世界中沒釋迦牟尼佛前出頭面接足敬禮如來却坐一面白佛言世尊昔時因陀幢如來者今即世尊是也何以故由是世尊具足不可思議諸善方便能成熟衆生淨佛國土恒不疲倦亦無厭足故世尊安置衆生住菩薩乘亦無厭足若有

八三

六

八三

七

實語人作正語者勝中之勝勝中之妙勝中  
上首最勝中最勝言佛如是者當知釋迦牟

尼佛真實無異時文殊師利而說偈言

雄猛巧方便 憐愍諸世間 現大威神力

成熟衆生故 已於過去世 曾作八億佛

猶自有神力 無心取正覺 六十一三千

清淨佛國土

淺識不知佛

牟尼巧方便

不捨初發心

彼彼處處現

更於未來世

示現無量佛

迦樓羅王授記品第五

尔時復有八億六千萬金翅鳥王見諸阿脩

羅供養世尊及得授記已於如來所生無等

敬信踊躍欣喜爲供養故化作八億六千萬

殿堂純以諸天七寶莊飾甚奇微妙一一殿

堂七重构欄四寶所成微妙第一所謂金銀

琉璃玻璃金构欄者金爲尋梁及作衆柱銀

爲曲椽銀构欄者銀爲尋梁及作衆柱金爲

曲椽毗琉璃构欄以毗琉璃而爲梁柱玻璃

爲椽玻璃构欄玻璃梁柱毗琉璃椽彼諸殿

堂周匝四面垂七寶鈴所謂金銀琉璃玻璃

真珠磗磗瑪瑙其寶精奇微妙第一是諸殿

堂後以七寶羅網覆上所謂金網銀網毗琉

璃網玻璃寶網赤真珠網磗磗之網瑪瑙網

等微妙第一復更化作八億六千萬七寶之

蓋微妙奇特所謂金銀乃至瑪瑙復更化作

八億六千萬七寶妙幢所謂金銀乃至瑪瑙

青幢黃頭黃幢青頭赤幢白頭白幢赤頭雜

色之幢純色爲頭純色之幢雜色爲頭復更

化作八億六千萬七寶妙幡有種種色嚴淨

第一復更化作八億六千萬七寶之帳所謂

金銀乃至瑪瑙寶線織成微妙第一尔時諸

金翅鳥王持是八億六千萬七寶殿堂八億

六千萬七寶之蓋八億六千萬七寶之幢八

億六千萬七寶之幡八億六千萬七寶之帳

悉以奉獻如來世尊既奉獻已彼諸鳥王及

供養具於虛空中遶佛三匝譬如哩羅婆那

人三

象王於三十三天頂戴諸天乘空而遊詣波  
利質多羅樹彼諸鳥王持是殿堂蓋幢幡帳  
飛騰虛空遶佛三匝亦復如是尔時彼諸鳥  
王敬遶佛已却住一面曲躬合掌衆共一音  
以偈讚曰

歸命出離生死者 歸命救度生死人

歸命無等堅固士 歸命無上無等聖  
願我當得堅固身 三十二相自嚴飾  
復有八十隨形好 唯願我等如導師  
願我圓光具威德 形顏功德皆成就  
願得第一佛威儀 令他心淨證寂滅  
願具持戒三摩提 亦得諸佛上智慧

願悉作佛度群有 如佛今作世導師  
世尊我願具十力 亦到十八不共岸  
成佛智慧過世間 如今如來上中上  
亦知衆生無體性 如幻如夢無所依  
宣說如響如虛空 如佛今日為衆說  
尔時世尊知諸鳥王得敬信已現微笑相是

時慧命馬勝比丘見佛微笑以偈問曰  
人中無上勝導師 非是無事現微笑  
愍世間者為我說 現此微笑何因緣  
彼諸鳥王已供佛 寶殿幢幡空中現  
令此天人希奇 願兩足尊說是義  
一切大衆合掌住 深心清淨皆欣喜

八三

九

願聞金翅未來果 願兩足尊說此義  
人中最勝若說已 一切大衆皆無疑  
大衆離疑得無畏 如來智能令欣喜  
大衆欣喜得無畏 離諸過惡心清淨  
彼衆樂聞如來說 猶如弟子受師言  
願斷大衆心所疑 願佛攝受令欣躍

大衆欣喜皆來集 願說金翅當來果  
尔時世尊以偈答慧命馬勝言

十力真實超一切 八伎梵聲悉具足  
降伏諸根為馬勝 說於金翅未來果  
善哉馬勝問是義 我現微笑愍世間  
諦聽彼報以悅意 心當欣喜除疑網

鳥王於我設妙供  
十種智力四無畏  
復求十八不共法  
亦求堅固不壞身  
求佛淨戒三摩提  
成就淨土度世間

為求無上菩提果  
得彼法故成導師  
此等金翅供善逝  
三十二相八十好  
諸佛境界大智慧  
金翅求此供養我

彼等信心供我已  
當必得生於天上  
彼等後如恒沙劫  
供養無量諸佛已  
彼佛國土無惡趣  
彼佛同名普端正

智者能離畜生趣  
此是惡道最後身  
常生人中及天上  
當得作佛伏諸根  
具足身相離八難  
其劫名曰須彌幢

八億四千萬歲中  
彼時一切諸善逝  
彼佛離熱度煩惱  
一一會中八億人  
以彼本有金色身  
後成佛時為衆生

憐愍世間故住世  
住壽佛事皆悉同  
一一諸佛八十會  
離於憍慢得自在  
大力常懷憍慢故  
除斷憍慢轉法輪

彼等過去已曾為  
其數八億六千萬  
彼諸仙人得通時  
不犯禁戒具功德  
以慢故生金翅中  
戒清淨故得見佛

修極苦行仙人衆  
凡所修行為神通  
歎已苦行為希有  
居住林中生憍慢  
以通心故具神力  
以慢故忘菩提心

人三

十

如是佛授菩提記  
大衆聞已皆欣喜  
龍女授記品第六  
及說金翅本所生  
喜已皆成菩提器

龍女授記品第六  
亦時九億六千萬龍女見諸阿修羅迦樓羅  
供養世尊及授記已心生欣喜彼得欣喜踊  
悅稱心於世尊所起心供養化作九億六千

萬蓋皆七寶成毗瑠璃網以覆其上赤真珠  
寶以為網緣金為蓋莖毗瑠璃寶以為蓋子  
數有百千雜寶旒蘇垂下四面化作九億六  
千萬馬青馬青色青形青光諸莊嚴具一切  
皆青毗瑠璃寶以為纏鞵於上虛空中化作  
大威德摩尼寶車於其車上復有寶殿縱廣

正等六十由旬其殿遍覆諸來大眾其殿四面化作九億六千萬眾寶旒蘇周遍垂下甚奇微妙其諸光彩奪人心目化作寶網彌覆殿上復有寶鈴懸殿四廂化作七寶鷄鵠白鵠以次飛行遶殿四面又復化作九億六千萬種諸龍音樂時諸龍女乘彼青馬各擲寶

蓋於虛空中自然遊行是諸龍女各取樂器奏諸音聲遶佛三匝以天栴檀末天沉水末多摩羅葉末天真金末及諸龍花并復化作種種之花而散佛上復以優波羅花旒蘇種種雜色眾花旒蘇種種無量雜香旒蘇種種無量雜色之衣種種無量雜色纓絡以用散

人三

十一

佛廣設供養亦如彼諸阿脩羅王尔時九億六千萬龍女作音樂時以佛神力其聲遍滿三千大千佛之世界其中眾生聞是聲者於阿耨多羅三藐三菩提得不退轉於大威德眾寶殿中及寶旒蘇眾鳥行間諸寶鈴網微風吹擊出妙音聲其聲和雅甚可愛樂譬如

百伎音樂善巧伎人之所擊作所出音聲和雅可愛於彼大威德殿乃至鈴網所出之聲亦復如是此聲亦遍三千大千佛之世界其中眾生若聞聲者於阿耨多羅三藐三菩提亦不退轉尔時彼諸龍女復更雨於種種天花種種天香與水俱下其香花氣順風逆風

不順不逆皆悉能去以香水故於迦毗羅城縱廣正等六十由旬皆成香泥其香泥氣遍滿三千大千世界其中眾生聞是香氣亦於阿耨多羅三藐三菩提得不退轉尔時彼諸龍女供養佛已及九億六千萬蓋九億六千萬馬九億六千萬音樂一切眾寶莊嚴其莖

於虛空中頭面禮佛右遶三匝却住一面曲躬合掌以偈讚曰

諸龍女等有智慧 心意踊悅生欣喜  
 供養釋迦牟尼佛 願求安隱大菩提  
 化作九億六千萬 寶蓋及與妙莊嚴  
 供養善逝善調心 出離一切諸障礙

復化九億六千萬  
馬與莊嚴皆青色  
彼馬一切空中行  
龍女咸有信敬心  
於龍宮中化音樂  
來已奉上釋迦文  
妙馬及與莊嚴具  
亦復更有青色幢  
詣於佛所作供養  
頭面頂禮如來足  
為供養故而持來  
應受供養大導師

善逝令彼音樂聲  
無量衆生得聞已  
彼諸龍女於空中  
縱廣由旬有六十  
寶名威德熾然光  
彼諸龍女大衆前  
遍滿三千大千界  
皆悉不退菩提心  
化作一大衆寶殿  
遍覆十方一切衆  
普照十方大千界  
淨心欣喜供養佛

生於踊悅無等心  
願令我等當作佛  
我等願於無量衆  
亦如十力大導師  
一切諸法如幻焰  
又如注雨所起泡  
為求安隱菩提果  
利益一切衆生故  
說法度諸煩惱纏  
現救苦惱衆生等  
亦如水沫不堅實  
當知諸法無有主

衆生如像亦如影  
惟願我等為衆說  
如佛無過善見法  
如幻莊嚴無有實  
衆生於法迷無智  
導師已見彼彼法  
如是觀察世間已  
法性真如及實際  
虛偽妄相誑愚者  
唯能惑亂諸凡夫  
不知諸法如實性  
復能令他衆生解

虛空與雲遍覆地  
彼無體實無所依  
如是衆生無體性  
佛智如是見有趣  
世間尊重以此業  
如來示現無體性  
見彼空雲猶如影  
亦復如影無有實  
唯能誑惑諸根門  
但能誑惑無智者  
於智慧人作利益  
一切衆生真實故

唯以實法悅預子  
愚癡實法非境界  
以佛無邊我歸依  
能與愚夫作親救  
如是為求大菩提  
願得作佛覺寤他  
生死泥中作橋梁  
由於著聲不求義  
具足示現真實者  
歸趣舍宅善知識  
我等供養尊導師  
利益世間猶如佛

尔時世尊知諸龍女得深信已現微笑相介  
時慧命馬勝比丘以偈問曰

於世智中勝智者 最勝導師現微笑  
尊重堅固德如山 今現微笑非無因  
人中最上勝尊主 願為說此笑因緣  
天人龍鬼若得聞 於佛皆生大欣喜

世間導師於世間 常知一切因緣法  
無有一法佛不解 因緣種類佛悉知  
惟願善逝見為說 如佛所知笑因緣  
一切大衆若得聞 皆生欣喜除疑網  
如來妙法有大利 此等大衆必當獲  
大衆若得寂定心 由味妙法利益故

佛力令斷分別已 唯樂菩提聽佛說  
若得聞於笑因緣 當必成就於佛道  
若人於法情有疑 其心掉動生苦惱  
現今此會大衆是 不知微笑因緣故  
大衆堪能斷疑網 惟願導師令除滅  
速為衆說度我等 以何因緣現微笑

誰於今日心清淨 誰於今日降魔怨  
誰於佛所生敬信 誰於今日供養佛  
惟願導師大衆前 演說誰有如是力  
我等聞已生喜心 生喜心已得安樂  
此諸大衆咸敬禮 一切皆有疑網心  
願說笑因生喜故 惟願世尊斷衆疑

此諸天人得聞已 大衆當得無疑網  
若得聞於如來說 一切當得欣喜心

尔時世尊以偈答慧命馬勝言

善哉善哉慧馬勝 能問如來笑因緣  
見諸龍女供養已 我愍世間故微笑  
我今為汝說彼果 離諸過惡至心聽

我今所為現微笑 汝馬勝等聽我說  
此諸龍女心無著 求大菩提修進行  
以智慧修世間空 決定安住菩提道  
於此無作無受者 亦無生者養育者  
但有諸法無餘事 其法亦妄如焰像  
以知恩故供養我 能以智慧知真實

八三

十四

善哉佛解諸世間  
彼樂此空善修習  
於勝菩提所發願  
此以無等供養佛  
求離龍道惡趣身  
在忉利天極受樂

所謂能見空無主  
雖設供養猶如幻  
觀彼菩提亦無著  
亦觀衆生空寂已  
與彼帝釋天中住  
盡彼天子壽命已

無能毀訾彼名稱  
居止夜摩天宮時  
諸佛子等住彼中  
此諸佛子具受樂  
復得往生兜率天  
爲諸天女常圍遶

復得生彼夜摩天  
具受彼天勝妙樂  
乃至盡彼天壽量  
盡彼夜摩天壽已  
與彼處天同其類  
具受彼天勝妙樂

心無所著住善道  
彼天能以大智慧  
猶如畫石字不滅  
彼諸天子居彼天  
於彼善道盡壽已  
彼得善名無能毀

譬如蓮華水不汗  
觀察一切世間空  
彼念不失亦如是  
具受彼中勝妙樂  
當更往生化樂天  
爲諸天女勝供養

雖住天宮心無著  
於彼化樂天宮中  
彼智慧者命盡已  
往生他化自在天  
住彼天中心無滌  
彼等居彼天宮殿

人三

乃至盡彼天壽限  
具受彼天勝樂報  
於一切法得究竟  
作大商主信清淨  
如是住時愛樂法  
受彼極妙五欲樂

十五

無愚癡者住善道  
雖受天欲見其過  
修習獲得禪定已  
於梵宮中善知禪  
智慧無等住一劫  
住彼梵宮一劫時

乃至盡彼限壽量  
樂求寂定及涅槃  
命終即生梵天中  
受彼禪果寂滅樂  
願求無上大菩提  
善住威儀求智慧

方便以利益世間  
智住梵宮樂在禪  
知著禪樂亦是過  
於一切處心信解  
知諸禪定虛誑相  
彼諸佛子於彼中

廣作無邊無有量  
於禪不著而寂滅  
諸根寂定求菩提  
皆得安住菩薩行  
唯求寂滅大涅槃  
求於安隱菩提果

